

na nubis, & per noctē in colūna ignis, vt dux esset itineris vtroq; tepore. Rursus ca. 23. Dominus ad Moysem ait, Ecce ego mittam angelum meum, qui præcedat te, & custodiat in via, & introducat in locum, quem præparavi.

[**ET** oues illum sequuntur, quia sciunt &c.] Ouiū officium est, pastore sequi. Præuatē pastore verū ac notū cōsequuntur, qui non præcedit mutus, sed subinde nota, & cogita voce, prouocat oues ad sequendū, & ab errore reuocat. Obserua: **QVI** A sciūt, &c. Ratio est cur oues sequantur, sumpta à notitia, & certitudine pabuli pastoris sui. Sequuntur pij summū pastore Christū, de quo 1. Petr. ca. 2. scribitur, Christus passus est pro nobis, reliquēs nobis exēplum, vt sequamur vestigia eius. Sciunt pij vocē Christi, (quia populus eius, & oues pascuæ eius) secundū cuius præscripta faciunt omnia, nec quicquā faciūt ex priuato cerebro: nō accipiūt aliorum traditiones pro veris pabulis. Colligamus ex his: **SEQUI** Christum, est in doctrina. & vestigijs Christi incedere.

Sequi Christū.

Pseudo apostolus.

[**ALIENVM** autē non sequuntur, sed fugiunt, &c.] Argumento à natura ouiū, docet Christus credentiū officia, **ALIENVM** vocans pseudo apostolum, siue quē prius furem, & latrone dixerat, qui neq; voce, neq; pabula veri pastoris Christi, affert. Oues & refugiūt, & abhorrent ab ignoto pastore, propterea quòd non agnoscut nisi proprii pastoris vocem. Ratio, cur oues sequuntur, est notitia vocis: ergo quòd non sequantur alienum, est, quia alieni vocem non nouerunt.

Christus similis dicitur oblectatus.

[**HOC** prouerbiū dixit illis Iesus.] Iesus Christus vt antea, ita & nunc oblectatus est similitudinibus, & parabolis, quibus inuitat omnes ad semē panē se vocās, qui è cælo prodierit, vnde qui ederet, viueret in æternū: nunc aquam viuā, vnde qui biberet, cōciperet in se fontē aque salientis in vitā æternam: nunc lucem mundi, quæ illuminet omnem hominē venientē in hunc mundū: nunc filiū, ac legatum Dei Patris, cui, qui se contraderet, vitā sequeretur æternā: modò se ianuā, per quam esset aditus ad vitam, vocauit. Harum similitudinū, & parabolarū vsum ipse explicuit (Matth. cap. 13.) dicēs, Ideo in parabolis loquor eis, quia videntes non vidēt, & audientes nō audiūt, neq; intelligūt: vt adimpleatur in eis propheta Esaiæ dicentis,